



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola L. Gregorii Papae I. Ad Marinianvm Archiepiscopvm Ravennae. De Ariminensi ecclesia propter infirmitatem episcopi destituta. Atque hortatur ciues alium eligere.

urn:nbn:de:hbz:466:1-15221

EPISTOLA L.

GREGORII PAPÆ I.

AD MARINIANVM ARCHIEPISCOPVM RAVENNÆ.

De Ariminensi ecclesia propter infirmitatem episcopi destituta. Atque hortatur ciues alium eligere.

*Gregorius Mariniano archiepiscopo Rauennæ.*Iuo part. 5.
cap. 305.
Broc. lib. 1.
cap. 389.Grat. 7. q. 1.
cap. 13.
Ioan. diac.
lib. 4. c. 39.

QVALITER ordinati a nobis sacerdotis, capitis, vt notum est, impediende molestia, Ariminensis ecclesia pastoralis hactenus & sacerdotali sit regimine destituta, dum fraternitas vestra cognouit. Quem dum habitatorum loci illius precibus permoti sapius hortaremur, vt si de eadem capitis qua detinebatur molestia melioratum se esse sentiret, ad suam, auxiliante Domino, reuerteretur ecclesiam: qui datis induciis in hoc quadriennio expectatus est. Quem dum monitu cleri ciuiumque illinc venientium, nosque precibus arguentium, instantius hortaremur, vt, si valeret, cum eis auxiliante Domino remearet; data in scriptis supplicatione nos petiit, vt quia ad eiusdem ecclesiæ regimen vel susceptum officium pro eadem qua detinetur molestia assurgere nullatenus posset, ecclesiæ ipsi ordinare episcopum deberemus. Vnde quia cunctarum ecclesiarum iniuncta nos solitudinis cura constringit, ne diutius gregi fidelium desit custodia pastoralis, illorum precibus, huiusque ex sui impossibilitate renuntiatione compulsi, visum nobis est eidem Ariminensi ecclesiæ debere episcopum ordinari; & datis ex more præceptis clerum plebemque eiusdem ecclesiæ non destitimus admonere, quatenus ad eligendum sibi antistitem concordii prouisione concurrant. Hortamur igitur vt fraternitas vestra eum quem vno consensu omnes elegerint, sicut & ipsi a nobis poposcisse noscuntur, ad se faciat euocari, quem cauta ex omnibus examinatione discutite. Et si ea in eo quæ in textu heptateuchi morte mulctata sunt minime Domino fuerint opitulante reperta, atque fidelium personarum relatione eius vobis quidem vita placuerit, ad nos eum cum decreti pagina vestræ quoque addita testificationis epistola destinate; quatenus eiusdem a nobis ecclesiæ disponente Domino consecratur antistes.